

Streek Kiepersol woon die jaarlikse Jakaranda Gebiedsaamtrek te Weesgerus by.

Vrydagoggend 9 Junie trek Jannie en Ina van den Berg by Weesgerus in en maak hulle huis in sirkel 2. Ses ander Sawanante arriveer ook Vrydag. Saterdag is dit maar stil en rustig maar daar arriveer 'n hele klompie op Sondag. Van Sondag af kom die kampers so stuk-stuk in totdat die stormloop teen Donderdag en Vrydag tref. Die kampkommandante het hul hande vol om 103 Woonwaens, ongeveer 280 koppe uit 15 streke op hulle staanplekke te kry.



Streek Rietvallei is die streek wat die beste verteenwoordig was met 21 waens met Kiepersol kort op hulle hakke met 18 waens. Gebied Jakaranda was verteenwoordig deur 59 Jakaranda lede en ons was vergas met 44 SAWA besoekers van streke buite gebied Jakaranda.

Donderdagmiddag het Kiepersol "jaffels" gebak en verkoop. Dit was 'n reuse sukses en die verkoop het flink verloop. Daar was al van vroeg in die week bestellings geplaas vir mense wat bang was dat daar nie genoeg sou wees nie.



Party werk en ander kyk dat dit reg gedoen word.

Vrydag het Fanie Marx en Willie Bronkhorst weer 'n groep 4x4 entoesiaste na Aardwolf geneem om hulle voertuie se vermoëns sowel as hul eie bestuursvernuf te toets. Die deelnemers het met groot lof getuig van lekker oggend en wonderlike ondervinding.



Die Kiepersollers kuier baie gesellig saam tydens die naweek



Saterdagaand was daar 'n gesamentlike braai en sokkie waartydens die Sawanante heerlik braai, eet en kuier.



Sondagoggend het ons die Rooibok saal volgepak vir die erediens wat geleei was deur Ds Jan Botha van Kokanje. Jannie het die bedankings gedoen waarna Andre Swanepoel die groep ingelig het ten opsigte van belangrike sake rondom die opkomende AJV's en Kongres.

Toe volg die sleg deel van elke kamp, oppak en en terugkeer huis toe. So 'n klompie het nog oorgestaan en eers Maandag die pad huis toe aangedurf.

Dit was voorwaar 'n baie suksesvolle Gebiedskamp en die reëlings vir volgende jaar is reeds op koers.